

CEB F/P 1747 (2010)

SUPSIDIJARNI UGOVOR

(Projekt razvoja sektora zdravstva –faza dva)

između

BOSNE I HERCEGOVINE

i

FEDERACIJE BOSNE I HERCEGOVINE

Datum: 2013. godine

SUPSIDIJARNI UGOVOR

Zaključen dana _____ godine između BOSNE I HERCEGOVINE („Zajmoprimac“) i FEDERACIJE BOSNE I HERCEGOVINE („Federacija Bosne i Hercegovine“)

PREAMBULA

BUDUĆI DA se u skladu sa Okvirnim finansijskim sporazumom za finansiranje Projekta razvoja zdravstvenog sektora –faza II potpisanim _____2013. godine u Parisu i . _____ 2013. godine u Sarajevu ("Okvirni finansijski sporazum") između Zajmoprimca, Bosne i Hercegovine i Razvojne banke Vijeća Evrope - CEB ("Banka"), Banka složila da Zajmoprimcu stavi na raspolaganje zajam u iznosu od 9.200.000,00 evra (devetmilionaidvijestotineura) ("Zajam") pod uslovima koji su navedeni u Okvirnom finansijskom sporazumu , a Zajmoprimac se složio da proslijedi sredstva zajma (60%) Federaciji Bosne i Hercegovine u svrhu izvršenja Projekta razvoja sektora zdravstva – faza II u Federaciji Bosne i Hercegovine (u daljem tekstu: Projekat),

BUDUĆI DA su se, s obzirom na gore navedeno, a uzimajući u obzir obaveze zaključivanja Supsidijarnog ugovora u skladu sa Zakonom o zaduživanju, dugu i garancijama („Službeni glasnik BiH“ br. 52/05 i 103/09), Zajmoprimac i Federacija Bosne i Hercegovine složili da zakluče ovaj Supsidijarni ugovor,

ČLAN I

Opšte odredbe

Svi termini definisani u Ugovoru o finansiranju imaju isto značenje i u ovom Supsidijarnom ugovoru osim ako su ovdje definisani drugačije.

ČLAN II

Sredstva zajma

U skladu sa Dodatkom 1 “Opis projekta “Okvirnog finansijskog sporazuma Zajmoprimac će proslijediti Federaciji Bosne i Hercegovine , po rokovima i uslovima odobrenim od strane Banke, sredstva zajma, u iznosu jednakom EUR 5.500.000 (petmilionai petstotinhiljada evra).

ČLAN III

Obaveze Federacije Bosne i Hercegovine

Federacija Bosne i Hercegovine se obavezuje da će realizovati Projekat i dati punu podršku u ostvarivanju ciljeva projekta.

Federacija Bosne i Hercegovine je saglasna da se sva plaćanja Banci u skladu sa Okvirnim finansijskim ugovorom (uključujući glavnica, kamate i ostale troškove) plaćaju Banci sa računa Ministarstva Finansija i Trezora Zajmoprimca “depoziti CV BiH – Servisiranje vanjskog duga podračun Federacije Bosne i Hercegovine (063111)” na teret Jedinstvenog računa Uprave za indirektno oporezivanje u skladu sa članom 12. Zakona o uplatama na jedinstveni račun i raspodjeli prihoda (“Službeni glasnik BiH” broj 55/04).

Federacija Bosne i Hercegovine će redovno informisati Zajmoprimca o implementaciji Projekta i redovno dostavljati sve izvještaje koje dostavlja Banci (član 4.2. Okvirnog finansijskog sporazuma) sa popunjenim i ovjerenim tabelama sadržanim u Aneksu 3 i 4 Okvirnog finansijskog sporazuma na engleskom jeziku i druge izvještaje po potrebi.

ČLAN IV

Obaveze Zajmoprimca

Zajmoprimac se obavezuje da će preduzeti sve neophodne radnje da se omogući Federaciji Bosne i Hercegovine da izvršava svoje obaveze po ovom Ugovoru i neće dozvoliti da se preduzmu radnje koje bi spriječavale Federaciju Bosne i Hercegovine da izvrši svoje obaveze po ovom ugovoru.

Zajmoprimac se obavezuje da će redovno dostavljati Federaciji Bosne i Hercegovine izvještaje o finansijskim sredstvima utrošenim za finansiranje troškova Projekta 15 dana po prijemu, kao i relevantnu dokumentaciju na osnovu koje su ta sredstva utrošena.

ČLAN V

Rješavanje sporova

Svi sporovi nastali na osnovu ovog Ugovora ili u vezi sa istim, a koji se ne mogu prijateljski riješiti između Zajmoprimca i Federacije Bosne i Hercegovine će se konačno riješiti na nadležnim sudovima Zajmoprimca.

ČLAN VI

Suspenzija, otkazivanje

Ako pravo Zajmoprimca na isplatu zajma bude suspendovano ili ukinuto od strane Banke, pravo na isplate po ovome Ugovoru će isto tako i istovremeno biti suspendovano ili otkazano, u zavisnosti od slučaja. Sve druge odredbe ovog Ugovora će se nastaviti u punoj snazi i dejstvu bez obzira na bilo koje otkazivanje ili suspenziju po Ugovoru o finansiranju.

ČLAN VII

Razne odredbe

Ovaj Supsidijarni ugovor stupa na snagu danom stupanja na snagu Ugovora o finansiranju.

Bilo kakve izmjene ovog Supsidijarnog ugovora su moguće samo uz saglasnost obje ugovorne strane u pismenoj formi.

Sljedeće adrese su navedene u svrhe ovog Sporazuma:

Za Bosnu i Hercegovinu

Ministarstvo finansija i trezora
Trg BiH 1
71000 Sarajevo
Bosna i Hercegovina

Faks: +387 33 202 930

Za Federaciju Bosne i Hercegovine:

Federalno ministarstvo finansija
Mehmeda Spahe 5
71000 Sarajevo
Bosna i Hercegovina

Faks: +387 33 203- 152

Ako se bilo koja od gornjih adresa i/ili imena promjene, strana koje se to tiče će odmah obavijestiti druge strane pismeno o novim adresama i/ili imenima.

Ovaj Supsidijarni ugovor će prestati da važi na datum na koji prestaje da važi Ugovor o finansiranju.

Ovaj Supsidijarni ugovor je sačinjen u četiri (4) istovjetna primjerka od kojih svaka strana zadržava po dva (2).

U PRISUSTVU DOLE POTPISANIH, strane istog, djelujući preko svojih u cijelosti ovlašćenih predstavnika, potpisali su ovaj Ugovor svojim odgovarajućim imenima.

ZA BOSNU I HERCEGOVINU

ZA FEDERACIJU BOSNE I
HERCEGOVINE

Ministar finansija i trezora

Ministar finansija